



Fréttir af verkefninu og staða framkvæmda

- Ný akstursleið sunnan við Gamla spítala opnuð í vikunni
- Fyrri aðkoma að Landspítala opnuð aftur þegar ný undirgöng verða tilbúin
- Ný bílastæði í inngarði Barnaspítala
- Jarðvegsframkvæmdir við nýjan meðferðarkjarna
- Uppsteypun við kvennadeild
- Gerð undirganga undir Gömlu Hringbraut
- Frágangur bílastæða við Eiríksgötu
- Frágangsvinna við gatnamót Laufásvegar og Gömlu Hringbrautar
- Akstursleið inn á framkvæmdasvæði meðferðarkjarna frá Læknagarði

Ný akstursleið sunnan við Gamla Spítala opnuð í vikunni (Sjá nr.1 á korti)



Í vikunni mun verða opnuð á Landspítalasvæðinu akstursleið frá austri til vesturs (frá geðdeildarsvæði og að Kringlusvæði/kvennadeild) meðfram suðurhlið Gamla Spítala. Er þetta einstefnugata og er ekki mögulegt að keyra í austurátt á þessum vegi milli þessara svæða.

Gönguleið frá Barnaspítala og upp með austurhlið kvennadeilda verður einnig opnuð í vikunni.

Aðkoma að Landspítala – aðkoma í gegnum Gömlu Hringbraut opnuð aftur í haust

Aðkoma að Landspítala í gegnum Gömlu Hringbraut verður opnuð aftur þegar ný undirgöng við Snorrabraut verða tilbúin í haust.

Eins og stendur er ekki hægt að aka í gegnum Gömlu Hringbraut að deildum Landspítala eins og sjá má á eftifarandi myndbandi:

<https://www.facebook.com/nyrlandspitali/videos/2043879582327813/>

Ný bílastæði í inngarði Barnaspítala (Sjá nr. 2 á korti)



Aðalinngangur Barnaspítala er með akstursaðkomu frá Laufásvegi og Barónsstíg.

Búið er að opna ný skammtíma og sleppistæði fyrir Barnaspítalann í inngarðinum milli Barnaspítala og kvennadeilda. Þessi stæði eru fyrir sjúklinga og aðstandendur og eru ekki ætluð starfsfólk spítalans.

Frágangsvinna við hellulögn í inngarðinum er á lokametrunum. Gönguleið verður framhjá Barnaspítala, í gegnum inngarðinn og upp með austurhlið kvennadeilda að Kringlu og Gamla Spítala.

Jarðvegsframkvæmdir við nýjan meðferðarkjarna. (Sjá nr. 3 á korti)



Vinna við sprengingar og uppgröft nýs meðferðarkjarna heldur áfram og gengur vel. Svæðið stækkar til norðurs og austurs eftir því sem vinnu við tengiganga og frágang hjá kvennadeild og Barnaspítala lýkur.

Framkvæmdasvæði meðferðarkjarnans er nú komið í fulla stærð sunnan við Barnaspítala og stækkar ennfrekar þegar frágangi við kvennadeild líkur og gönguleið milli Barnaspítala og kvennadeilda verður færð upp að byggingu kvennadeilda. Einnig mun framkvæmdasvæði meðferðarkjarnans stækka við opnun nýrrar akstursleiðar neðan við Gamla Spítala, með tilheyrandí lokunum á eldri akstursleið sunnan við Gamla Spítala. Bílastæði fyrir Barnaspítala eru nú í inngarðinum milli Barnaspítala og kvennadeilda. Framkvæmdasvæðið er vaktað og er öll óviðkomandi umferð um svæðið bönnuð.

Uppsteypun á lagnagangi meðfram kvennadeild. (Sjá nr. 4 á korti)



Vinna við uppsteypu á tengigangi austan kvennadeilda er lokið. Búið er að fylla yfir tengiganginn og malbika akbraut yfir sem liggar til austurs neðan við Gamla Spítala. Yfirborðsfrágangur milli akbrautar og kvennadeildarhúsi er í fullum gangi. Athygli er vakin á því að suðurinngangur kvennadeilda er lokaður á meðan á framkvæmdum stendur.

Gerð undirganga undir Gömlu Hringbraut. (Sjá nr. 5 á korti)



Áfram er unnið að uppslætti og steypuvinnu við stoðveggi og undirgöng. Búið er að steypa undirstöður og hluta af veggjum undirganga. Vinna við stoðveggi í tengslum við undirgöng er einnig í fullum gangi og lagnavinnu á svæðinu er að mestu lokið.

Vakin er athygli á því að gönguleið er núna frá Læknagarði og upp á Bústaðaveg og þar meðfram til að komast að geðdeild. Ekki er opin gönguleið í gegnum framkvæmdasvæðið. Framkvæmdir í og við undirgöng munu standa yfir fram á haust.

Bílastæði við eldhús og rannsóknastofur við Eiríksgötu. (Sjá nr. 6 á korti)



Búið er að ganga frá bílastæðum við Eiríksgötu. Bílastæðin eru ætluð fyrir sjúklinga og eru með snjóbræðslukerfi. Eftir á að reisa hjólaskýli við vesturenda bílastæðis. Hönnun á skýli er lokið og framkvæmdir við byggingu þess hafnar. Stefnt er að opnun hjólaskýlis í október.

Frágangsvinna við gatnamót Laufásvegar og Gömlu Hringbrautar. (Sjá nr. 7 á korti)




Frágangsvinna í kringum gatnamótin heldur áfram. Búið er að helluleggja gönguleið í veginn í beygjunni við Barnaspítalann. Hafin er lóðarvinna sunnan við Gömlu Hringbraut við strætisvagnastöðina, en ný hellulögn verður lögð á svæðið sambærileg við þá sem búið er að leggja norðanmegin við Gömlu Hringbraut og sett verður upp nýtt strætisvagnaskýli.

Athygli er vakin á því að til að tryggja aðgengi strætó um Barónsstíg er bann við bifreiðastöðum við austurkant Barónsstígs milli Eiríksgötu og Laufásvegar. Starfsmönnum Landspítala er bent á að leggja ekki á þessu svæði.

Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.



Gæta skal varúðar við akstur í námunda við vinnusvæði meðferðarkjarnans. (Sjá nr. 8 á korti)




Allur akstur vinnutækja inn á vinnusvæði meðferðarkjarnans er nú frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönnum er bent á að sýna aðgát við akstur á svæðinu.

Yfirlitsmyndir af svæðinu. (Sjá gula punkta á korti)

Búið er að setja upp yfirlitsmyndir af svæðinu á völdum svæðum til að gangandi vegfarendur átti sig á gönguleiðum um svæðið.

Skýringarmynd

Á kortinu eru sýndar gönguleiðir, götulokanir og framkvæmdasvæði.



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmölum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:
Ásbjörn Jónsson verkefnastjóri NLSH, 841 7050 eða netfangið asbjorn@nlsh.is
Aðrar almennar upplýsingar veitir Magnús Heimisson samskiptastjóri NLSH,
866 1378 eða magnus@nlsh.is.

Sértækar upplýsingar veitir af hálfu Landspítala Stefán Hrafn Hagalín 897 3644 stefanh@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is
